

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

1. Gloriosus & mirabilis &c. Bulla de Abdicatione Cælestini Papæ V. &
Electione Bonifacii VIII. anno 1295.
-

[urn:nbn:de:hbz:466:1-74452](#)

ANNO
1294.BONIFACIUS OCTAVUS,
PONTIFEX CXCV.

ANNO DOMINI MCCXCIV.

Bonifacius, Benedictus Cajetanus an-
te vocatus, Celestino V. fuit su-
brogatus. Cardinales Jacobum, & Pe-
trum Columnam persequutus est. Philip-
pum Pulchrum Galliae Regem ob Episco-
pum Apamensem carceri inclusum diris
devovit. Inde Gibellinorum ope à Sciar-
ra Columna, & Willermo Nogareto Re-
gis iussu captus est. Paulò post obiit Bo-
nifacius anno 1303. (*Magni Bullarii
Romani, Tomus I, hujus Editionis Lu-
xemb. fol. 173.*)

I.
Ex Archiv. Rimer. Tom. 2. pag. 667.Bulla de Abdicatione Celestini Pape V. &
Electione Bonifaci VIII. anno 1295.

BONIFACIUS EPISCOPUS,

*Servus Servorum Dei, carissimo in Christo
Filio, Edvardo Regi Anglie illustri,
salutem & Apostolicam Benedictionem.*

Gloriosus & mirabilis in operibus suis
Deus, qui cum sit in misericordia copio-
sus in hujus orbis orbita plena malis, con-
fecta dissipli innumeris miserationes exeret,
Ecclesiam suam quan ipse summus opifex re-
rum instituit ac supra fidei firmam petram alta
& solida fabrica stabilivit opportunitis favoribus
prosequi non desistit.

Afflxit enim illi miserator & propitiator assi-
duus, non obdormiens, nec dormitans in
suarum opportunitatum eventibus pervigil custos
ejus. Ipse siquidem sibi est in turbatione sola-
men, in necessitate succursus, tumque maxime in
adjutorium ejus sua pietas larga diffunditur,
cum adversus illam mundi nubila tempo-
re caligante levantur, quæ inter molestias &
afflictiones intrepida colligens in vexatione vi-
gorem, in ipso malorum instantia convalescit;
Nam, divino semper munita præsidio, nec
communiorum strepitu deterretur, nec ad-
versitatum superatur incursi, sed in terroribus tui-
tor & constantior, in adversis pressa præ-
valet, passa triumphat.

Hæc eit Archa, quæ per confluentias &
multiplicationes aquarum elevatur in altum, &
subactis culminibus montium libera & secura
profundas impetuosi diluvii calcat undas. Hæc
est utique navis, quæ, vento contrario irruente,
strepetis maris furibundis motibus agitatur, firma-
tamen & solida, fragoribus non dissipatur æquoreis,
nec marini furoris rapiditate sorbetur; sed
elatas procellas obruiens, ac spumosa & tumida
freta sternens triumphantem exequitur sua
navigationis incessum; quæ ad vitalem crucis sal-
vificæ arborem recte intentionis alis totaliter
elevati, in celum semper intenta, procellosum
intrepide mundi pelagus peragrat: Eo quod
secum habet seduli gubernatoris auxilium, ma-
rium præceptoris; unde, regente illo & dirigente
salubriter, ac spiritu sancto stante, ad-
versitatum quaramlibet nebulis dissipatis, vic-
toriosa peregrinationis sua liberum agit iter,
ad patriæ cœlestis portum supernis nutibus feliciter perducenda. Cumque sic adversis inou-
meris prematur & turbeatur Ecclesia illa, in inti-
mis ipsam acerbis faciat, duriusque ferit adver-
sis, cum Pastore utili & provido viduatur.

Sed licet saepius Ecclesia eadem Pastoris re-

gimine destituta, longæ viduitatis lamenta pro-
traxerit, expectando gemebunda diutius con-
folationem plenariam successoris; in hujusmo-
di tamen mæroris nubilo, dignanter illi clemen-
tia divinæ pietatis illuxit, doloribus & necessi-
tatis suis opportunè subveniens, per substitu-
tionem oprata & delectabilem novi sponsi,
ac eam de omissione prioris, interdum inutilis, per promotionem mulcebrem accommodi
successoris instaurans.

Sanè vacante Romana Ecclesia per liberam & spontaneam dilecti filii frarris Petri de Mor-
rone, olim Romani Pontificis, cessionem, co-
ram venerabilibus fratribus Episcopis, & dilectis
filii nostris Presbyteris & Diaconis Cardi-
nalibus, dè quorum numero tunc eramus, ex
certis rationabilibus & legitimis causis, factam
ab ipso in Fœsto Beatae Luciæ Virginis proximo
præterito, & à Cardinalibus prædictis admis-
sam. Cum illam posse sic legitimè fieri & priorum
gefta Pontificum & Constitutio declararent
apertus; & ad eam etiam faciendam expressus
accescerit Cardinalium prædictorum assensus.

Cardinales ipsi, considerantes attentius quam
sit onùla dispensis, quam graviâ malorum
incommoda secum trahat prolixa Ecclesiæ memo-
rata vacatio; & propterea votis ardentibus cu-
pientes, per efficacia & accelerata remedia hu-
jusmodi periculis obviare. Die Jovis, decimo
Kal. Januarii post Festum subsequentे prædic-
tum, missarum solemnis ad honorem Sancti
spiritus celebratis, hymnoque solito cum devo-
tione cantato, se in quadam concavi, apud
Castrum novum Civitati Neapolitanæ conti-
guum, ubi tunc idem frater cum sua residet
familia, incluserunt; ut per mutui commodita-
tem colloqui, Ecclesiæ prædictæ provisio, su-
perna cooperante virtute, celerius proveniret.
Die vero veneris immedietè sequente præfati
Cardinales, mentis oculis erexit ad Dominum,
pia desideria benignus prosequentes, in elec-
tions negotio, per viam scrutinii, ferventibus
studii, ut prædicta vitarentur incommoda, pro-
cedentes. Et tandem, cum divina Clementia,
Ecclesiæ prælibatae compatiens, eam nollet ul-
teriori vacationis periculis subjacere, ad perso-
nam nostram licet immeritam, intentum animum
dirigentes; quamquam inter eos quam plures
magis idonei, & digniores etiam haberentur.

Nos tunc tit. Sancti Martini Presbyterum
Cardinalem in summum Pontificem canonice
elegerunt, gravis oneris sarcinam nostris debili-
bus humeris imponendo. Nos autem, pro-
funda & sedula meditatione pensantes difficul-
tatem officii pastoralis continuui laboris angus-
tias, & præcellentiam Apostolicae dignitatis,
quæ sicut honoris titulis altioris attollit, sic
magnitudine ponderis deprimit gravioris, at-
tendentes insuper nostræ multiplicis imperfec-
tioni instantiam, expavimus & hæsitavimus ve-
hementer nimioque concessum extitit stupore
cor nostrum.

Nam cum ad tolerandas particulares vigilias,
vix nobis possilitas nostra sufficiat, ad univer-
salis specula solicitudinem vocabamus, & intol-
erabile Apostolici ministerii jugum inferebamur,
instanter debilitatis nostræ cervici jugite sup-
portandum, ac meritorum non suffulti præsidio,
ad suscipendas Apostolorum Principis Petri
claves & gerendum super omnes ligandi & sol-
vendi Pontificium angebanut.

Veruntamen ne divinæ providentie opus im-
pedire forsitan videremur aut nolle nostræ vo-
luntatis arbitrii suo beneplacito conformare,
ac etiam ne corda electorum concordia per nos-
tra dissensionis objectum, ad discordiam ver-
teremus, voluntatibus tandem acquievimus eo-
rumdem, ad subeundum jugum hujusmodi nos-

ANNO
1295.

ANNO
1295.

tros importentes humeros submittendo : non quod de aliqua nostræ probitatis virtute fiduciam habeamus, sed quia in ejus speramus clementia qui confidentes in se non deserit, sed eis propitiis opportunis auxiliis semper adest, quique, de sublimi polorum solio, Ecclesiam sponsam suam intuetur misericorditer & tuerit, suæque illam exaltare non desinit copiosis beneficiis pietatis.

Ideoque celsitudinem Regiam rogamus, & hortamur attente ac obsecramus in Domino Iesu Christo, quatinus, diligent meditatione considerans quod judicium diligit Regis honor, metas justitiae curiosus observes, illamque sincere diligere studeas, æquitatem non deserens, Clementiam non omittens, ut subjectus tibi populus copiosus in pacis pulchritudine sedeat, & in requie opulenta quiescat. Ecclesiam insuper, matrem tuam, & ipsius Prelatos, nostræ utique Salvatoris ministros, ceterasque personas Ecclesiasticas, ejus obsequiis dedicatas: quin potius in illis Regem Calorum & Dominum, per quem regnas & regeris, incessanter & solerter honorans, ipso Regii favoris ope confoveas, & in plenitudine libertatum, aliorumque suorum iurium efficaciter protegere studeas & tueri. Sicque in his, tanquam filius benedictionis & gratiae, te geras & dirigas quod, claræ memoria Progenitoris tuos, qui erga prefatam Ecclesiam summæ devotionis & reverentiae titulis, dum viverent, claruerunt, non solum imitari sollicite, sed etiam evidenter excedere dignoscaris, ad laudem & gloriam Dei Patris, & celebre, magnumque tui honoris & nominis incrementum.

De nobis autem, ut pote Patre benivolo & sincero, qui te, prout celsitudinem Regiam latere non credimus in minori etiam officio constituti, affectuose dileximus & diligere non cessamus, spem certam & fiduciam firmam gerens in tuis & ejusdem Regni negotiis & opportunitatibus, quæ occurrent, ad nos recurrere non postponas.

Nam in his, super quibus ex parte Regia, fuerimus requisiti, libenter, quantum cum Deo poterimus, votis Regii annuemus; tuam & ejusdem Regni prosperitatem omnimodam, non solum studis conservare sollicitis, sed etiam plenis augmentare favoribus intendentis. Datum Lateran. nono Kal: Februarii Pontificatus nostri anno primo:

I.L.
Ex Archiv.
An. l. Rimei
Tom. 2.
pag. 700.

De Concessionibus; & actis quæ antecessor ejus Cœlestinus imprudenter, & ignoranter fecerat revocandis, & adnullandis: anno 1295.

BONIFACIUS EPISCOPUS,
Servus Servorum Dei, dilecto filio Bartholomeo, nato nobilio Viri Francisci de Sancto Angelo, Rectori Parochialis Ecclesia Sancti Nicolai de Midleton Vintoniensis Diocesis, salutem & Apostolicam benedictionem.

Olim dilectus filius frater Petrus de Murone, tunc Celestinus Papa quintus, Antecessor noster, devictus instantia & ambitione nimis plurimorum: ignarus eorum, quæ & juris debitum & gravitas pastoralis, cui praefidebat, officii requirebant: seducus insuper atque deceptus per captiosam astutiam & deceptibilem aliquorum; fecit diversa, & concessit varia minus dignæ, inordinata & insolita, quorum aliqua subterficiemus ex causa, sub cuius bullæ non nulla, ut fertur, præter ipsius conscientiam,

transierunt, quæ non indignè immo necessario limam correctionis Apostolice exposcebant. Unde, dicto antecessore, ex causis legitimis, Papatu sponte cedente,

Nos, postmodum dispositione divina, ad apicem summi Apostolatus assumpti, ut sedes Apostolica ipsius antecessoris actus lucidius discutere posset, & in melius reformare, ejusque errata corrige, omissa suppleret, ac in irrum revocanda deducere omnia privilegia & litteras gratiosas, super quibuscumque gratiis, vel gratiosis concessionibus, de quibuscumque iuribus, rebus, vel bonis, quæ quoquo modo processerant, seu quæ obtenta fuerant ab eo: nec non quæ ab antecessore prædicto, verbo seu litteris, facta, concessa, data vel inducta fuerant quibuscumque personis Ecclesiasticis, quæ per alias nostras litteras, super hoc generaliter factas, & publicatas, revocata non essent, nec penitus annullata, quantum ad omnem effectum eorum de fratribus nostris confilio & assensu suspendentes.

Volumus, & districte præcipimus ut hujusmodi gratias obtinentes, infra certi temporis spatium, quod quidem tempus pro peremptorio termino assignavimus, ipsa nostro & prefata sedis conspectui præsentarent, & ad nostram & dictæ sedis notitiam deducerent. Apostolica discussionis examen justo iudicio subitura: ipsaque sic manere suspensa, quoque per sedem ipsam forent ex certa scientia approbata.

Alioquin ex tunc illa, & quicquid ex eis, vel ab ea secutum esset, vel impostrum sequetur; Apostolica auctoritate, de potestant plenitudine, cassavimus, irritavimus, & vacua virimus: casu, irrita & vacua nuntiavimus; ipsa omnino carere viribus decernentes.

Tu vero nuper quadam litteras præfati Antecessoris, super collatione & provisione, tibi factas per eum, de Ecclesia Sancti Nicolai de Midleton Vintoniensis Diocesis, curam animarum habente, tunc vacante per mortem quoniam Magistri Bernardi de Neapoli, Notarii Sedis Apostolicae, ipsius Ecclesiæ Rectoris: per quas etiam dictus antecessor tecum dispensavit, ut Ecclesiam de Midleton, una cum Archidiocesi, quem in Bojanensi, ac Canonicaribus & Præbendis, quos in eadem Bojanensi & Theatiniensi Ecclesiæ obtinens, posses insimul licet retinere, constitutione generalis Concilii, super hoc edita non obstante.

Nec non & alias ejusdem Antecessoris certi tenoris litteras, directas certis executoribus, super executione provisionis hujusmodi.

Infra præscriptum tempus, à nobis ad hoc, ut prædictitur, assignatum, dilecto filio Magistro Petro Sanctæ Romanae Ecclesiæ Viccancellario, cui commisimus receptionem talium literarum, prout ex relatione ipsius Viccancellarii plene didicimus, præsentasti; nobis humiliter supplicans, ut providere tibi super hoc paterna diligentius curaremus.

Nos igitur non intendentes dispensationem hujusmodi, quæ alias per constitutionem nostram, sicut & omnes aliae tales, fore dignoscitur revocata aliquatenus approbare: sed voluntates ut facta de dicta Ecclesia de Midleton, per eundem antecessorem provisio tibi fructuosa reddatur, tuis supplicationibus inclinati, easdem litteras, & quicquid ex eis secutum est, dispensatione prædicta, & his quæ pertinent ad dispensationem ipsam exceptis, auctoritate Apostolica ex certa scientia approbamus, & præfentis scripti patrocinio communimus.

Nulli ergo omnino hominum licet hanc papiganam nostræ approbationis infringere &c.

Datum Romæ apud Sanctum Petrum Id. Decembris Pontificatus nostri anno primo.

Quod

ANNO
1295.